

REGIONAL NEWS UNIT
ALL INDIA RADIO, SILCHAR

MORNING BULLETIN : BENGALI

Date:- 27-06-2017

Time : 07:35-07:40 Hrs

কেন্দ্রীয় স্বরাষ্ট্রমন্ত্রক নতুন শিক্ষা নীতি কাজ করার উদ্দেশ্যে মহাকাশ বিজ্ঞানী কে.কস্তুরিইঙ্গনের নেতৃত্বে ৯সদস্য বিশিষ্ট একটি নতুন প্যানেল গঠন করেছে। স্বরাষ্ট্রমন্ত্রক নয়া শিক্ষা নীতিকে বর্তমান শিক্ষা ব্যবস্থার সঙ্গে যুক্ত করে বাস্তবায়িত করার উদ্দেশ্যে দেশের শিক্ষা জগতের সঙ্গে যুক্ত প্রবীন শিক্ষাবিদদের অর্ন্তভুক্ত করে এই প্যানেল গঠন করেছে। সরকারী সূত্রে গতকাল নতুনদিল্লীতে এই তথ্য জানিয়ে বলা হয়েছে যে বিজ্ঞানী কস্তুরিইঙ্গন ছাড়াও ভারতীয় প্রশাসনিক সেবার আধিকারিক কে.জে আলপনসেকেও এই কমিটিতে নিয়ে আসা হয়েছে। কেবলের কট্রাম জেলাকে ১০০শতাংশ সাক্ষর করে তোলার ক্ষেত্রে আলপনসের বিশেষ ভূমিকা রয়েছে।

চলতি বছরের অক্টোবর মাস থেকে রাজধানী ও শতাব্দী এক্সপ্রেস ট্রেন দুটিতে যাত্রীদের জন্য প্রদত্ত সুযোগ সুবিধাগুলির বেশকিছু পরিবর্তন করার পদক্ষেপ নেওয়া হয়েছে। এই পরিবর্তনের মধ্যে রয়েছে খাবার সরবরাহের জন্য ট্রেনগুলি সেবা, ইউনিফর্ম পরিহিত কর্মচারী ট্রেনের ভেতর মনোরঞ্জনের ব্যবস্থা ইত্যাদি। এই দ্রুতগামী এবং প্রথম সারীর ট্রেনগুলিতে যাত্রা করা রেলযাত্রীদের উচ্চ সুযোগ সুবিধা প্রদান করা ছাড়াও ভারতীয় রেলবিভাগ ৩০টি রেলগাড়ীতে আমূল পরিবর্তন সাধন করার লক্ষ্যে কর্মসূচী গ্রহণ করেছে।

১৫টি রাজধানী এক্সপ্ৰেস ও ১৫টি শতাব্দী এক্সপ্ৰেস ট্রেনে প্রথম পর্যায়ে এই পরিবর্তন কার্যসূচী বাস্তবায়িত করতে প্রায় ২৫কোটি টাকা ব্যয় হবে বলে ধারণা করা হচ্ছে ।

শিলচর সেন্ট্রাল ওয়াটার কমিশন সূত্রে জানানো হয়েছে যে আজ সকাল সাতটায় অন্নপূর্ণাঘাটে বরাকনদীর জলস্তর ছিল ১৯দশমিক ৮০মিটার । এখানে জল প্রতিঘন্টায় ৩সেন্টিমিটার করে বাড়ছে । কুশিয়ারায় সকাল সাতটায় জল ১৫দশমিক শূণ্য পাঁচমিটার । এখানে ঘন্টায় দুইসেন্টিমিটার করে বাড়ছে । মাটিজুরিতে কাটাখাল নদীর জল ২১দশমিক ২১মিটার । এখানে জল স্থিতবস্থায় ।

আসাম রাজ্য দুর্যোগ মোকাবিলা কর্তৃপক্ষের পক্ষ থেকে বলা হয়েছে যে আগামী ৩৬ঘন্টায় সোনাই রাজস্বচক্রে রুকনী নদীর জলস্তর বৃদ্ধি পেয়ে কমস্তরের বন্যার সম্ভাবনা রয়েছে । এই ক্ষেত্রে বন্যা নিয়ন্ত্রণে সম্ভাব্য সব ব্যবস্থা গ্রহণের জন্য সরকারী বিভাগগুলিকে নির্দেশ দেওয়া হয়েছে ।

করিমগঞ্জ জেলা প্রশাসনের পক্ষ থেকে এবারের বন্যায় করিমগঞ্জ সদর ও নিলামবাজার চক্র এলাকার ৪৩হাজার ৫শ ১২জন বন্যা দুর্গতদের জন্য ত্রাণ সামগ্রী বরাদ্দ করা হয়েছে । প্রতিটি চক্র এলাকার জন্য ৫৫কুইন্টাল ৪০কেজি চাল ১০কুইন্টাল ডাল ও দুই কুইন্টাল করে লবণ বরাদ্দ করা হয়েছে ।

বরাক উপত্যকা বঙ্গ সাহিত্য ও সংস্কৃতি সম্মেলনের কাছাড় জেলা সমিতির সম্পাদক পরিতোষ দে গতকাল রাতে হৃদরোগে আক্রান্ত হয়ে শেষ

নিঃশ্বাস ত্যাগ করেছেন । মৃত্যুকালে তার বয়স হয়েছিল ৬৩ । উল্লেখ্য প্রয়াত
দের শেষকৃত্য আজ সিলচর শশ্মানঘাটে সম্পন্ন হবে । এর আগে আশ্রম
রোডের বাড়ী থেকে নিয়ে অন্তিম যাত্রা বের হবে এবং বেলা ১১টায় বঙ্গভবনে
কার্যালয়ে পরিতোষ দেকে শেষ শ্রদ্ধা জানানো হবে ।

বরাক হিন্দী সাহিত্য সমিতির ব্যবস্থাপনায় গত রবিবার সিলচরের
হিন্দীভবনে ১৪২জন কৃতি ছাত্র-ছাত্রীকে স্বর্গীয় দিনেশ প্রসাদ গোয়ালা ও স্বর্গীয়
দীবাচান্দ শর্মা স্মৃতি পুরস্কার প্রদান করা হয়েছে । লক্ষীপুরের বিধায়ক
রাজদীপ গোয়ালা এবং রাজেশ্বরী প্রমোদ শর্মা কৃতি ছাত্র-ছাত্রীদের প্রশংসাপত্র
ও নগদ পুরস্কার প্রদান করেন । সর্বাধিক পুরস্কার হর্ষি বিদ্যাপীঠের ৫৫জন
ছাত্র-ছাত্রী লাভ করেন । শিক্ষাবিদ পার্থসারথি চন্দ ও সমিতির পূর্ব অধ্যক্ষ
মহাবীর প্রসাদ জৈন, শিক্ষিকা কিছু আনুষ্ঠানে বক্তব্য রাখেন । আনুষ্ঠানে আসাম
বিশ্ববিদ্যালয়ের গবেষক সন্তোষ আঁচুরা মাস কমিউনিকেশনে স্বর্ণপদকপ্রাপ্ত নেহা
জৈন, ভিজুয়েল আর্টস এ স্বর্ণপদকপ্রাপ্ত কিশন বারাদীকেও বিশেষ পুরস্কার
প্রদান করা হয় ।

হাইলাকান্দি জেলা স্বাধীনতা সংগ্রামী সংস্থার এক সভা গতকাল
অনুষ্ঠিত হয় । সজল ভট্টাচার্যের পৌরহিত্যে সভায় সংস্থার সদস্যদের
উপস্থিতিতে সর্বসম্মতিক্রমে আগামি রবিবার বেলা ১১টায় টাউন হলে
হাইলাকান্দি জেলা ভিত্তিক এক নতুন কমিটি গঠন করার সিদ্ধান্ত গ্রহণ করা
হয় । ঐদিন সবায় হাইলাকান্দি জেলার সব স্বাধীনতা সংগ্রামীদের
উত্তরাধিকারীদের উপস্থিত থাকতে বলা হয়েছে ।

এআইডিওয়াইওর ৫১তম প্রতিষ্ঠাদিবস দেশের বিভিন্ন অংশের সঙ্গে
গতকাল কাছাড় জেলার বিভিন্ন স্থানে পালন করা হয়েছে । সিলচর উকিলপাটি

এআইডিওয়াইও কার্যালয়ে আজ সকাল ৯টায় পতাকা উত্তোল করেন সগগঠনের জেলা কমিটির অন্যতম সদস্য গৌতম নন্দী । ধোয়ারবন্দ আঞ্চলিক কমিটির কার্যালয় প্রাঙ্গণে সকাল ৭টায় পতাকা উত্তোল করেন জেলা কমিটির সদস্য পরিতোষ ভট্টাচার্য্য । উল্লেখ্য ১৯শো ৬৬সালের ২৬শে জুন মার্কসবাদী চিন্তানায়ক শিবদাস ঘোষ এই যুব সংগঠন প্রতিষ্ঠা করেন ।

-----সমাপ্ত-----